

審齋詞一卷

王千秋

審齋詞

目錄

賀新郎一調
醉蓬萊一調
虞美人一調
水調歌頭一調
憶秦娥二調
好事近二調
菩薩蠻一調
念奴嬌一調
清平樂一調
臨江仙一調
滿江紅一調
醉落魄一調
鵲橋天二調
喜遷鶯二調

沁園春一調
西江月一調
念奴嬌一調
減字木蘭花一調
清平樂一調
虞美人一調
暮山溪一調
生查子一調
憶秦娥一調
浣溪沙一調
感皇恩一調
桃源憶故人一調
浣溪沙二調
滿庭芳一調

風流子一調
南歌子一調
青玉案一調
風流子一調
賀新郎一調
水調歌頭一調
漁家傲一調
解佩令一調
西江月一調
瑞鶴仙二調
青玉案一調
水調歌頭一調
好事近一調
訴衷情一調

宋六十名家詞

臨江仙一調

醉落魄一調

點絳脣一調

滿江紅一調

浣溪沙一調

虞美人三調

水調歌頭一調

西江月一調

西江月一調

謁金門二調

瑞鶴仙一調

審齋詞

宋 王千秋

賀新郎（石城弔古）

弔古城頭去。正高秋、霜晴木落，路通洲渚。欲問紫髯分鼎事，只有荒祠煙樹。巫覡去久無簫鼓。霸業荒涼遺堞墜，但蒼崖、日閱征帆渡。興與廢，幾今古。夕陽細草空凝竚。試追思、當時子敬，用心良誤。要約劉郎銅雀醉，底事遽爭荆楚。遂但見、吳蜀烽舉。致使五官伸脚睡，喚諸兒、盡取長陵土。遺此恨，欲誰語。

沁園春（晁共道侍郎生日）

萱蕊嬌春，煙花羞暖，物華漸嘉。也不須鶯怨，桃封絳萼，也不須蜂恨，蘭鬱金芽。料是東君都將和氣，分付清豐詩禮家。充閭慶，有青氈事業，丹鳳才華。乘槎早上雲霞。侍祠甘泉瞻羽車。試笑憑熊軾，嘉禾合穗，進思魚鑰，菡萏驂花。蕭寇勳名，龔黃模樣，入拜行趨隄上沙。今宵裏，且觥船滿棹，醉帽欹斜。

風流子

夜久燭花暗。仙翁醉豐頰，縷紅霞。正三行釰袖，一聲金縷，捲茵停舞。側火分茶。笑盈盈、灑湯溫翠盃。折印啓綃紗。玉筍緩搖，雲頭初起。竹龍停戰，雨脚微斜。清風生兩腋，塵埃盡留白雪長。

黃芽解使芝眉長秀。潘鬢休華。想竹宮異日。袞衣寒夜。小團分賜。新樣金花。還記玉麟春色。曾在仙家。

醉蓬萊（送湯）

正歌塵驚夜。鬪乳回甘。暫醒還醉。再煮銀瓶。試長松風味。玉手磨香。鏤檀舞在壽星光裏。翠袖微揎。冰綈對捧。神仙標致。記得拈時。吉祥曾許。一飲須教。百年千歲。況有陰功在。徧江東桃李。紫府春長。鳳池天近。看提攜雲耳。積善堂前。年年笑語。玉簪珠履。

西江月

心事幾多白髮。客情無數青山。廉纖細雨褪餘寒。正是花期酒限。一自鉗簪信杳。空留綳帶香殘。我今多病寄江干。瘦似東陽也慣。

又

老去頻驚節物。亂來依舊江山。清明雨過杏花寒。紅紫芳菲何限。春病無人消遣。芳心有酒摧殘。此情拍手問闌干。爲甚多愁我慣。

南歌子（壽廣文）

鵲起驚紅雨。潮生漲碧瀾。水晶城館月方圓。誰喚騎鯨仙伯下三山。筆勢翔鸞媚。詞鋒射斗寒。向來文價重賢關。便今批風支月紫薇間。

虞美人(寄李公定)

流蘇斗帳泥金額。我亦花前客。謫仙標韻勝瓊枝。一詠一觴。常是得追隨。自從風借雲帆便。冷落青樓宴。石橋風月也應猜。過盡中秋。不見晚歸來。

念奴嬌(荷葉浦雪中作)

扁舟東下。正歲華將晚。江湖清絕。萬點寒鴉高下舞。凝住一天雲葉。映篠漁村。衡茅酒舍。浙瀝鳴飛雪。壯懷興感。悔將釵鳳輕別。遙望傑閣層樓。明眸瓊豔。許把同心結。東畎西傾。渾未定。終恐前盟虛設。燕獸爐溫。分霞酒滿。此夕歡應狎。多情言語。又還知共誰說。

青玉案(送人赴黃岡令)

雪堂不遠臨皋路。悵仙伯騎鯨去。燕麥桃花更幾度。橫橋雖在。種松無有。誰是關心處。解鞍君到冬雖暮。傳語無忘麝囊句。起手栽花花定許。藝香披翠。灌紅疎綠。趁取清明雨。

水調歌頭

遲日江山好。老去倦遨遊。好天良夜。自恨無地可銷憂。豈意綺窗朱戶。深鎖雙雙玉樹。桃扇避風流。未暇泛滄海。直欲老溫柔。解檀槽。敲玉釧。泛清謳。畫樓十二。梁塵驚墜綵雲留。座上騎鯨仙友。笑我胸中磊砢。取酒爲澆愁。一舉千觴盡。來日判扶頭。

減字木蘭花

陰簷雪在小雨廉纖寒又噉。莫上危樓。樓迴空低雁更愁。一杯濁酒。萬事世間無不有。待早歸田。欲買田無使鬼錢。

風流子

同雲垂六幕。啼鳥靜風御。玉妃寒漸聲入釣蓑。色侵書幌。似花如絮。結陣成團。倦遊客一番詩思苦。無算酒腸寬。黃竹調悲。綺衾人馬。豈堪梅蘂。索笑巡簷。一杯知誰勸。空搔首還是憶舊青氈。問素娥早晚。光射江干。待醉披鶴氅。高吟冰柱。剡溪何妨。乘興空還。只恐櫓聲咿軋。棲鳥難安。

憶秦娥

雲破碧。作霜天氣西風急。西風急。一行征雁。數聲橫笛。挑燈試問今何夕。柔腸底事愁如織。愁如織。紫苔庭院。悄無人跡。

又

雲葉舞寒林。淺淡圍煙雨。圍煙雨。三三兩兩。雁投沙渚。征帆暫落知何所。短篷靜聽舟人語。舟人語。夜寒如許。客能眠否。

清平樂

吹花何處。桃葉江頭路。碧錦障塋衝暮雨。一霎峭寒如許。歸來索酒澆春。潮紅秋水增明。卻

自不禁春惱。恨人低度歌聲。

賀新郎

短艇橫煙渚。夢驚回。淒涼尙記。綠蕩鳴雨。拍塞愁懷人不解。只有黃鸝能語。復擬待。乘槎重去。無奈東君剛留客。張碧油。緩按香紅舞。生怕我。頓遐舉。故溪冉冉春光度。想晚來。楊花雲際。白蘋無數。竹裏樵青應是怪。目斷鳴榔去路。料爲我。羞煩鱗羽。好趁小蠻針線在。按綸巾。歸喚松江渡。重繫纜。醉眠處。

好事近（和李清宇）

六幕凍雲凝。誰翦玉花爲雪。寒入竹窗茅舍。聽琴絃聲絕。從他拂面去尋梅。香吐是時節。歸晚楚天不夜。抹牆腰橫月。

又

明日發驪駒。共起爲傳杯綠。十歲女兒嬌小。倚琵琶翻曲。絕憐喙木欲飛時。絃響頭鳴玉。雖是未知離恨。亦晴峯微蹙。

虞美人

琵琶絃畔春風面。曾向尊前見。彩雲初散燕空樓。蕭寺相逢。各認兩眉愁。舊時曲譜曾翻否。好在曹綱手。老來心緒怯么絃。出塞移船。莫遣到愁邊。

水調歌頭（九日）

壯日遇重九。躍馬歡遊。如今何事多感。雙鬢不禁秋。目斷五陵臺路。無復臨高千騎。鼓吹簇輕裘。霜露下南國。淮漢繞神州。釣松鱸。斟郢酒。聽吳謳。壯心鑠盡今夕。重見紫茱羞。月落笳鳴。沙磧烽靜。人耕榆塞。此志恐悠悠。擬欲墮清淚。生怕菊花愁。

菩薩蠻（茶蘼）

流鶯不許青春住。催得春歸花亦去。何物慰懷懷。荼蘼最後開。青衫冰雪面。細雨斜橋見。莫浪送香來。等閑蜂蝶猜。

暮山溪（海棠）

清明池館。側臥簾初捲。還是海棠開。睡未足。餘醒滿面。低頭不語。渾似怨東風。心始吐。又驚飛。交現垂楊眼。少陵情淺。花草題評徧。賦得惡因緣。沒一字。聊通繾綣。黃昏時候。凝竚怯春寒。籠翠袖。減豐肌。脈脈情何限。

漁家傲（簡張德共）

黃栗留鳴春已暮。西園無著清陰處。昨日驟寒風又雨。花良苦。信緣吹落誰家去。病起日長無意緒。等閑還與春相負。魏紫姚黃無恙否。栽培取。開時我欲聽金縷。

念奴嬌（水仙）

開花借水。信天姿高勝。都無俗格。玉隴娟娟黃點小。（遺書玉女島端有黃點）依約西湖清魄。綠帶垂腰。碧簪簪髻。索句撩元白。西清微笑。爲渠模寫香色。常記月底風前。水沈肌骨。瘦不禁憐惜。生怕因循紛委地。仙去難尋蹤跡。縹緲深栽。彤幃密護。不肯輕拋釋。等差休問。未容梅品懸格。

生查子

枝垂雲碧長。心展鵝黃嫩。無力倚闌時。掃盡漫山杏。玲瓏影結陰。蘊藉香成陣。誰爲祝東風。更莫催花信。

又

花飛錦繡香。茗碾槍旗嫩。是處綠連雲。又摘斑斑杏。愁來苦酒腸。老去閑花陣。燕子不知人。尙說行雲信。

又

鶯聲恰恰嬌。草色纖纖嫩。詩鬢已驚霜。鏡葉慵拈杏。因何積恨山。著底攻愁陣。春事到茶蘼。還是無音信。

又

睡起髻雲鬆。枕印香腮嫩。愁思到眉尖。齒軟嘗新杏。那無魚雁書。又過鶯花陣。寬盡縷金衣。

說與伊爭信。

又

春江波而渾。春岸蘆芽嫩。不見木蘭舟。羞帶駢枝杏。
輕綃搵淚痕。急雨衝花陣。暗禱紫姑神。
覓箇巴陵信。

又

雄姿畫麒麟。朽骨分螻蟻。爭似及生前。常爲鶯花醉。
雲山靜有情。天地寬無際。且放兩眉開。
萬事非人意。

又

功名竹上魚。富貴槐根蟻。三萬六千場。排日扶頭醉。
高懷隘世間。壯氣橫天際。常是惜春殘。
不會東君意。

解佩令(木犀)

花兒不大。葉兒不美。只一段風流標致。淡淡梳妝。已賽過騷人蘭芷。古龍涎怎敢氣□。開時
無奈風斜雨細。壞得來零零碎碎。著意收拾。安頓在膽瓶兒裏。且圖教(平聲)夢魂旖旎。

清平樂

喚雲且住。莫作龍池舞。五月人間須好雨。爲掃無邊煩暑。
畦秧針綠重生。壺天表裏俱清。林

外枯槁閑掛省渠多少心情。

憶秦娥

闌干側。當時我亦凝香客。凝香客。而今老大。鬢蒼頭白。揚州夢覺渾無迹。舊遊英俊今南北。今南北。斷鴻沈鯉。更無消息。

西江月

夢幻影泡有限。風花雪月無涯。莫分粗俗與精華。日醉石閒松下。榮盡隣家解與。杯空稚子能賒。通幽卽步儘橫斜。不問墩猶姓謝。

臨江仙

者也之乎真太錯。甘心吞棘吞蓬。有無俱盡見真空。爐錐難自薦。關捩只心通。野鶴孤雲元自在。剛論隱豹冥鴻。此身今在幻人宮。要將驢佛我。分付馬牛風。

浣溪沙

殢玉偎香倚翠屏。當年常喚在凝春。豈知雲雨散逡巡。不止恨伊唯準擬。也先傷我太因循。而今頭過總休論。

又

親染柔毛劈彩牋。自憐探（平聲）得惡因緣。一尊重許笑凭肩。往事已同花屢褪。新歡聞似

月常圓。休休休。更苦縈牽。

瑞鶴仙

征鴻翻塞影。悵悲秋人老。渾無佳興。鳴蛩問酒病。更堆積愁腸。摧殘詩鬢。起尋芳徑。菊羞人依。業半隱。又豈知虛度重陽。浪闊渺無歸恨。無定。登高人遠。戲馬臺前。閑怨歌誰聽。香肩醉凭。鎮常是笑得醒。到如今。何在西風凝竚。冠也無人爲正。看他門對插茱萸。恨長怨永。

又（韓南潤生日）

紅消梅雨潤。正榴花照眼。荷香成陣。爐薰炷芳燼。記于門今日。長庚占慶。文摛豔錦。笑班楊用字未穩。果青雲快上黃扉地。舉高英俊。名盛都期持橐。卻借乘輅。布宣寬政。除書已進。歸寵異。侍嚴近。且金船滿酌。雲翹低祝。比椿齡更永。任月斜未放笙歌。翠桐轉影。

滿江紅（和諸公賞心亭待月）

樓壓層城。斜陽斂帆收南浦。最好是長江澄練。遠山新雨。留連邀皓月。一堂高敞祛隆暑。問從來佳賞有誰同。應難數。舟橫渡。車闌路。催酒進。磨燈去。放姮娥照座。不須簾阻。已見天清無屏翳。更須潮上喧闐技。看波光撩亂上橋竿。龍蛇舞。

感皇恩

天氣過燒燈。初閑人倦。曉色曠曠繡簾捲。聚星歌扇。一簇雪香瓊軟。壽杯爭安把。從他滿。低

低笑祝。年齡遐遠。息駕無由遂公願。東風吹喜。又做眉黃一點。便參鷓鴣入。常朝殿。

青玉案

鳴鼃欲引魚龍戲。先自作長江。鷓鴣頭管一聲天外起。羣仙俱上。有人殊麗。認得分明是。欲相問勞來無計。但隔爐煙。屢凝睇。擲我胸前方寸紙。擁翹欲去。顰蛾還住。不盡徘徊意。

醉落魄

驚鷗撲菼。蕭蕭臥聽鳴幽屋。窗明怪得雞啼速。牆角爛（平聲）斑。一半露松綠。歌樓管竹誰翻曲。丹唇冰面噴餘馥。遺珠滿地無人掬。歸著紅靴。踏碎一街玉。

桃源憶故人

移燈背月穿金縷。合色鞋兒初做。卻被阿誰將去。鷓鴣能言語。朝來半作淩波步。可惜孤鸞侶。若念玉纖辛苦。早與成雙取。

水調歌頭（趙可大生日）

披錦泛江客。橫槩賦詩人。氣吞宇宙。當擁千騎靜胡塵。何事折腰執版。久在泛蓮幕府。深覺負平生。跟蹤衆人底。欲語復吞聲。慶懸弧。期賜杖。酒深傾。願君大耐。碧眸丹頰。百千齡。用卽經綸天下。不用歸謀三徑。一笑友淵明。出處兩俱得。鴈鷓亦鴈鷓。

鷓鴣天（圓子）

翠杓銀鍋饗夜遊。萬燈初上月當樓。溶溶琥珀流匙滑。璨璨蠟珠著面浮。香入手，暖生甌。依然京國舊風流。翠娥且放杯行緩。甘味雖濃欲少留。

又（蒸餿）

比屋燒燈作好春。先須歌舞賽蠶神。便將簇上如霜樣。來餉尊前似玉人。絲餠細，粉肌勻。從它犀筯破花紋。殷勤又作梅羹送。酒力消除笑語新。

浣溪沙（焦油）

買市宜和預賞時。流蘇垂蓋寶燈圍。小鑪烹玉鼓聲隨。金彈玲瓏今夕是。鼉山縹緲昔遊非。馬行遺老想霑衣。

又（科斗）

燈火闌珊欲曉時。夜遊人倦總思歸。更須冰蛹替按絲。玉篆古文光燦爛。花垂零露影參差。月寒煙淡最相宜。

好事近（壽黃仲符）

人物又無雙。餘事錦機閑織。就兩都新賦。笑一生聯緝。來年秋色起鵬程。一舉上晴碧。須洗玉荷爲壽。助穿楊飛的。

喜遷鶯

春前臘尾。問誰會開解。幽人心裏。映竹精神。淩風標致。姑射昔聞今是。試妝競看吹面。寄驛勝傳。絨紙迴瀟灑。更香來林表。枝橫溪底。誰爲停征騎。評蕙品蘭。俱恐非同里。天意深憐。花神偏巧。特爲翦冰裁水。擬喚綠衣來舞。只許蒼官相倚。醉眠穩。儘參橫月落。留連行李。（事見柳子厚龍城錄）

又

玉龍垂尾。望闕角嵒嶢。如侵雲裏。明壁接題。白銀階陛。平日世間無是。靜久聲鳴檻竹。夜半色侵窗紙。最奇處。盡巧妝枝上。低飛簷底。常爲呼游騎。嗾犬擎蒼。腰箭隨鄰里。藉草烹鮮。枯枝煎茗。點化玉花爲水。未挹瑤臺風露。且借瓊林棲倚。眩銀海。待斜披鶴氅。騎鯨尋李。

滿庭芳（三色梅）

藥小雕瓊。花明鎔蠟。天交一旦俱芳。豐臞雖異。皆熨水沈香。應笑紛紛紅墮紫。初未識。調粉塗黃。凭肩處。金鈿玉珥。不數壽陽妝。思量誰比似。酥裁筍指。蜜翦蜂房。又何須。酣酒重暖瑤觴。且放側堆金縷。驪山冷。來浴溫湯。誰題品。青枝綠萼。俱未許升堂。

訴衷情（登雨華臺）

二分濃綠一分紅。春事若爲窮。醉袖香霏粉。公挽我。我扶公。欹短帽。吐長虹。擬淩風。布金堆裏。疊翠屏中。雲月輕籠。

臨江仙

柳巷鶯啼春未曉。畫堂環珮珊珊。薰爐烘暖鷓鴣斑。壽杯須斗酌。舞袖正弓彎。未說玳瑁橫

浣溪沙（白紵衫子）

疊雪裁霜越紵勻。美人親翦稱腰身。暑天寧數越羅春。兩臂輕籠燕玉膩。一胸斜露塞酥溫。不教香汗濕歌塵。

西江月（小鹿鳴）

四俊鄉書薦鶚。一夔漕府登賢。明年春晚柳如煙。看取臚傳金殿。冊府牙籤盡閱。詞垣紫誥宵傳。青樓買酒定無緣。且放金杯漱澣。

虞美人（和姚伯和）

風花南北知何據。常是將春負。海棠開盡野棠開。正馬騎驢還入亂山來。尊前人物勝前度。誰記桃花句。老來情事不禁濃。玉佩行雲。切莫易丁東。

又（代簡督伯和借戰國策）

要津去去無由據。已分平生負。擬將懷抱向誰開。萬水千山。聊爲借書來。玄都盡永閑難度。欲正書中句。黃琮丹壁已磨濃。發篋煩君早送過橋東。

謁金門（次李聖予月中韻）

春漠漠。閑盡綺窗雲幕。悔不車輪生四角。卻成緣分薄。
想畫鴉兒方學。小蹙恨人無託。不道月明誰共酌。這般情味惡。

又（諸公要予出郊）

春漠漠。何處養花張幕。佩冷香殘天一角。忍看羅袖薄。
兩兩鴛鴦難學。六六錦鱗空託。趁有餘妍須細酌。東風情性惡。

點絳脣（劉公寶生日）

玉立霞升。縱談劉尹高支許。待爲霖雨。小駐紅蓮府。
鶴健松堅。鴻寶初非誤。玄都路。桃花栽取。來看千千度。

又（春日）

何處春來。試煩君向垂楊看。萬條輕線。已借鵝黃染。
弄日搖風。按舞知誰見。陽關遠。一杯休勸。且放脩眉展。

又

何處春來。試煩君向梅梢看。壽陽妝面。漏泄春何限。
冷蕊疏枝。似恨春猶淺。收羌管。莫驚香散。留副□和願。

又
何處春來。試煩君向釵頭看。舞翻飛燕。已拂春風面。白玉圓鉤。酌酒殷勤勸。深深願。願長□
健。歲與春相見。

又
何處春來。試煩君向盤中看。韭黃猶短。玉指呵寒翦。犀筋調勻。更爲雙雙卷。情何限。怕寒須
暖。先酌黃金盞。

水調歌頭（席上呈梁次張）

筆力捲鯨海。人物冠麟臺。響來朱邸千字。不省有驚雷。人似曲江風韻。剛要重來持節。不道玉
堂開。草詔坐扛鼎。瑣屑掃尊罍。金錯落。貂掩映。玉崔嵬。看公談笑。長河千里靜氛埃。散馬盡
閑榆塞。辨髮春趨瑤陛。都出濟川才。老子尙頑健。東閣亦時來。

瑞鶴仙（張四益生日）

夷吾在江左。罄氈裘俱雪。笑清邊瑣。遺民冀巾裹。箇規模欲繼。外人誰可。一花兩果。晚占熊材
能更夥。試頻春。便有驩謠聲接。月鞍烟樞。駭娑已傳丹詔。催上文石。論炙輶。彗弓。九域措
安妥。待緇衣重詠履。封光繼綠野。從教畫鎖。問黑頭當日三公。可能似我。

滿江紅

水滿方塘。三日雨曉來方足。闌干外。錦初初脫。新篁森玉。沃葉未乾。鳩婦去。餘花時墜。蜂兒逐。認去年乳燕。又雙雙。飛華屋。紅豆恨。歸誰促。青鸞夢。驚難續。想多情。猶記碧牋新曲。白髮欺人。雖已老。短襟搵黛。存餘馥。且如今。一笑總休論。杯行速。

西江月

璀璨雕籠灑筆。聯翩薦鶚飛書。翻階紅藥試妝梳。管取不言溫樹。容我一杯爲壽。看君九萬鵬圖。髻鬟人小串珠璣。歲歲綠窗朱戶。

審齋詞終

審齋詞跋

東平王千秋字錫老嘗見自製啓聯云少日羈孤百口星分于異縣長年憂患一身蓬轉于四方其遭逢概可想已樂府凡六十餘調多酬賀篇絕少綺豔之態衡山縣令梁文恭讀而贈詩云審齋先生世稀有曾是金陵一耆舊萬卷胸中星斗文百篇筆下龍蛇走淵源更擅麟史長碑版肯居鱷文後倚馬常摧麀戰場脫腕難供掃愁帚中州文獻儒一門異縣萍蓬家百口恨極黃楊厄閏年閑卻玉堂揮翰手夜光乾沒世稱屈遠枳卑棲價低售漂搖何地著此翁忘憂夜醉長沙酒豈無厚祿故人來爲辦草堂留野叟嗟余亦是可憐人慚愧阿戎驚白首一燈續得審齋光多少達人爲裔胄睠予憔悴五峯下頻寄篇來復相壽年來事事淋過灰尙有詩情聞情竇有時信筆不自置憶起居家呂窠臼審齋樂府似花間何必老夫疥篇右集中席上呈梁次張水調歌頭一闋其互相溢美可謂無言不讎矣古虞毛晉識